

Postdiplomski studij u Sarajevu znači bolji poslovi i više radnih mjesta

“Novi postdiplomski studij iz poslovne administracije koji nudi Univerzitet u Sarajevu omogućit će bolje poslovne prilike za BiH,” rekao je danas Glavni zamjenik Visokog predstavnika Donald Hays.

Ambasador Hays jutros je govorio na svečanosti na Univerzitetu u Sarajevu povodom potpisivanja Memoranduma o razumjevanju između Univerziteta u Delaware-u i Sarajevu, te USAID-a. Prema tom sporazumu, Sarajevska poslovna škola će zajedno s Univerzitetom u Delaware-u ponuditi postdiplomski studij poslovne administracije.

Podsjećajući da “se rezultati u praksi ne mogu postići ukoliko se nema čvrstog uporišta u teoriji” ambasador Hays je također istakao važnu ulogu ovog postdiplomskog studija kao “sredstva kojim će se usavršiti napredni mladi stručnjaci koji su upoznati s izazovima i očekivanjima globalnog tržišta” te sredstva “u kreiranju temeljnih promjena u poslovnoj kulturi u BiH”.

Potreba za takvom promjenom u poslovnoj kulturi naglašena je i tijekom prošlogodišnje istrage Posebnog revizora u javnim poduzećima u BiH kada se otkrilo da menadžeri posluju po načelu “da ako neka aktivnost nije izričito označena kao nepoštena onda se može smatrati prihvatljivom”.

Ambasador Hays je istakao da se kod ovih postdiplomskih studija “radi o svojevrsnom opremanju bh. poduzeća da se natječu na globalnom tržištu koje ne prašta neučinkovitost, te koje bogato nagrađuje konkurentnost, na tržištu koje na duže staze nagrađuje pošteno i dobro poslovanje u odnosu na

korupciju te da opremi BiH za tržište na kojem se BiH želi i treba natjecati. Ovaj postdiplomski studij će omogućiti takvu konkurentnost.”

Ovaj projekt je financirao USAID u vrijednosti od 10 miliona dolara.